

La doturia Mahlknecht é demez le lönesc, 30/11, y vëgn sostituida dal dotur Marcocci 338 72 80 518.

Racoiüda dl refodam da tosser en lönesc, 23/11a San Martin dales 8.30 ales 9.30

PLOANIES SAN MARTIN Y LUNGIARÜ

Les Uniuns y les families che á aposté n Rorate dess ince fistidié por n letur y les supliches.

Al n'é nia conzedü da lascé dí ss. mësses en onur, mo ma en sufrage dl defunt siur Heinrich Videsott.

SAN MARTIN

I jogn vënn incö, domënia de Crist Re, do la gran mëssa **calëndri d'Advënt** por 5 euro; i scioldi che vëgn trac ite jarà a fin de bëgn por na familia te Südtirol!

I jogn da San Martin va en vëndres, ai 27/11, sö Alfarëi/ Badia a cëna y ciastagnada. chi che ó tó pert dess se prenoté cina en dedolönesc (24/11) pro Alan 333 44 29 889.

Al vëgn ciamó n iade dër bel perié de mëte i **libri da cianties y le saltier tles proches** sö por dlijia cun le spiné sura ia. Al vëgn perié de ti al dí ince ai mituns da scora.

Por i **Seniors da San Martin** y Antermëia en domënia, ai 06/12, dales 10.00, sö Antermëia gran Mëssa cun le cor Antervoices. Dedo marëna tl hotel Antermëia al prisc de 10 euro porom. I s'incuntun dales 9.30 sön plaza por jí sö deboriada; prenotaziuns cina ai 4 de dezëmbër da sëra pro Alfred 333 36 54 786 o Gotti 328 64 72 341

LUNGIARÜ

Les ères é bel inviadés da dé jö la zetola por la **lita dles surastantes** da mëte tla lada apé de dlijia o sö dal pice üsc chësta sabeda y domënia, 21 y 22 de nov., cina les 16.00.

N bel dilan dles ofertes por la dlijia da Lungiarü en **recort de Scimun Mischi**: al fre Giuvani, ala familia Albina Mischi, a Emma Pezzei y Rita cun families y al fioc Paul.

Referat „**Lascéme (nia) sté!** Mëte confins y dé orientamënt tl'adolescënza“ metü a jí dal Raiun Sozial cun Christa Ladurner en jöbia, ai 26/11, dales 20.00, tl Istitut Ladin a San Martin. Acompagné mituns tl'adolescënza é na cossa de energia, paziënza y dorada. Stritaries y provocaziuns é al ordinn dl de. Mo ara vá da fá de vigni sort.

Le Cor de dlijia y la Musiga da La Pli invieia al **concert de Santa Zezilia** en domënia, ai 22 de novëmbër, dales 15.00, tla Ciasa dles Uniuns, denant öspi te dlijia dales 14.00.

Conzert d'Advent dla Musiga da La Ila adöm cun le Cor de dlijia, en domënia, ai 29 de novëmbër, dales 17.00, tla dlijia da La Ila.

Sentada generala dla Union dles Patrones dl comun da San Martin, en vëndres, ai 4 de dezëmbër, a Lungiarü. Dales 19.30 Rorate a Lungiarü por la uniu, y dedo é dötes les patrones inviadés ala sentada generala tla Pizzeria Fornata, olach'í tignarun nosta sentada, stlujon jö cun na buna cena da de bunes pizzas y aurela cörta.

Curs da fá checs por Nadè cun Marlene ai 11 de dezëmbër dales 19.30 y ai 12 de dezëmbër dales 13.30 tla ciasadafüch dla refeziun a S. Martin, organisé dala Uniu dles Patrones. Prenotaziuns pro Loise 0474 590 026.

Invit al **Marcé da Nadé** en domënia, ai 29 de novëmbër, dales 10.00 ales 17.00, a Pidrô tla Spona (Salf por le laur protezioné).



www.valbadiaonline.com

Plata dles Ploanies San Martin y Lungiarü



www.unitepastorala.org

siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

22.11. - 29.11.2015 nr. 52

termo da publiché: jöbia 20.00
radio: 90,40 / 93,70

DOMËNIA DE CRIST RE - B

Vangele: Jan 18,33b-37

Pilatus á damanè Gejù:

Este tö le re di iüdes? ...Cî aste pa fat?

Y Gejù à respognü:

Mi règn n'é nia de chësc monn.

Sce mi règn foss de chësc monn,

fóssel mia jënt che combatess,

ch'i ne ti gniss nia surandè ai iüdes.

Mo mi règn n'é nia da chilò.

Pilatus ti à dit: Chël ô dì, che t'es impò n re?

Gejù à respognü: Tö le dijës, iö sun n re.

Porchël sunsi nasciü y gnü tl monn, ch'i dais testimonianza por la verité.

Vignun che é dla verité ascuta mia usc!

La verité nes dá da stumblé. Tl inom dla verité é Gejù gnü metü söla crusc, él sté ince i cristians che á fat veres y á copé eretics.

Dötaurela vëgnel tl inom dla verité iustifiché ditatures, opresciun y iniustizies. Co dessun pa nos desfarenzié la verité dala bauja?


Tl vangele podunse ti jí do a döes striares:

Por pröm: La verité ne podunse nia fá varèi cun la forza. Olache zacai é arjigné da sté ite zënza violënza por na cossa ch'ai arata dërta, cajomai ince cun süa vita, sciöche Gejù, pon speré de incunté la verité.

Por secundo: Chël che ó rové pro la verité, mëss instës ester n fi dla verité: savon che mia minunga n'é nia la verité, dessi tres indô me damané danü, sc'i sun tl dërt; dailó me mëti sön le dër tru da la ciafé.

Sce Gejù, che ê re, é jü por le tru dla soferënza y dl desprisc, poi aporanía ince iö avèi da patí y crusc da porté tla vita; ares ne sciafia nia da me tó mia dignité.

*La regnanza de Gejù á da fá cun me: Da che me lasci pa iö gorné?
Sot ala regnanza de Gejù m'ai metü cun le bato y spo vion te so Spirit.*



	SAN MARTIN		LUNGIARÜ
22.11.15 FESTA DE CRIST RE - B <i>Santa Zezilia</i>	9.30 Mëssa solëna dla comunité <i>dedô invïëia le cor de dlijia dōta la comunité</i> <i>ia tl gran salf a sté adöm pro cianties,</i> <i>onoranzes y n bufett</i>	22.11.15 Domënia	7.55 Corona 8.15 Mëssa solëna dla comunité
23.11.15 Lönesc <i>Columban, Clemens</i>	20.00 Cërtrl dla Bibla te calonia	23.11.15 Lönesc	20.00 Cërtrl dla Bibla te calonia a San Martin
24.11.15 Dedolönesc <i>André Dung-Lac y Compagns, Flora</i>	19.00 Mëssa + familia Hubert Prousc de rengraziam. + + Milio y Tile Castlunger + + Frenner dl Pech	24.11.15 Mertesc	
25.11.15 Dedemesaledema <i>Catarina d'Alessandria</i>	15.00 Mëssa a Picolin en onú de Santa Tarina + + Alfred y Erica Videsott + Maria Sorá, Pespach (dl ann)	25.11.15 Mercui	7.50 Mëssa di scholars familia Sepl Clara, Oriana de rengraziamënt familia Berto Clara + + siur Fonjo y Bino Clara
26.11.15 Jöbia <i>Konrad y Gebhard</i>	7.30 Mëssa families de Notburga Clara familia Daniela Canins dl ann + suor Maria Paula Fontanella + Moritz Castlunger Corona por vocaziuns	26.11.15 Jöbia	
27.11.15 Vëndres <i>Virgile, Oda</i>	19.00 Adoraziun chîta 19.30 Devoziun eucaristica	27.11.15 Vëndres	7.30 Mëssa + + Rudi y Monica Moling + + de Giovanni Mischi, Frëina + siur Heinrich Videsott de rengraziamënt
28.11.15 Sabeda <i>Berta, Günther</i>	15.30 Mëssa tla Ciasa de Palsa 18.00 Mëssa prefestia - Rorate dla Musiga families de Hilda Sottara dl ann + Martin Moling	28.11.15 Sabeda	20.00 Mëssa prefestia - Rorate familia Sepl Pezzei, Camora familia Planatscher 3° de sopoltōra de Scimun Mischi dl ann + Paul Daporta
29.11.15 1ª DOMËNIA D'ADVËNT - C	9.00 Corona 9.30 Benedisciun dles gherlandes d'Advënt Gran Mëssa <i>I prëii les families da porté por la Gran Mëssa les gherlandes</i> <i>d'Advënt che vëgn benedides y spo portades a ciasa</i>	29.11.15 Domënia	7.55 Corona 8.15 Benedisciun dles gherlandes d'Advënt Gran Mëssa <i>I prëii les families da porté por la Gran Mëssa les gherlandes</i> <i>d'Advënt che vëgn benedides y spo portades a ciasa</i>